

Аламларга бурканган неъмат

﴿ النعمة المحفوفة بالآلام ﴾

[الأوزبكي - Uzbek - Ўзбекча]

Абдулвадуд Аҳмад

2009 - 1430

islamhouse.com

﴿ النعمة المحفوفة بالآلام ﴾

« باللغة الأوزبكية »

عبد الودود أحمد

2009 - 1430

islamhouse.com

Жума насихатлари

Аламларга бурканган неъмат

Ундан ўзга илох бўлмаган Аллохга ҳамд бўлсин ва У барча нарсага кодирдир. Пайгамбаримизга саловат ва саломлар бўлсин.

Бу рисола ни ёзишимдан мақсад, Аллохга ва унинг росулига ва омма мусулмонларнинг йулига чакириш, насихатдир.

Баъзи дардманд инсонларнинг беморлик, касаликнинг фойдаларидан хабарсиз бўлганлари холида: «Эй Роббим, менга раҳминг келсачи?!» деб нола килишаётганларини эшитдим. Асарларда келадикки, Аллох айтarkan: «Раҳматим туфайли ато этаётган нарсамдан, яна қандай раҳм қиламан?» Шунингдек, баъзи рақ каби огир, бедаво дардга чалинганларни умидсизликка тушиб қолганлари, айримлари сабрлари заифлашиб, жазавалари ортиб, нолишлари зиёдалашиб кетаётгани ва Шайтон васваса қилиб, ўтган камчиликлари, гуноҳларини ёдларига келтириб, уларни Аллохнинг раҳматидан ноумид қилаётгани, тушқунликка тушириб қўяётгани ҳақидаги кўнгилсиз ҳолатларни эшитдим ва кўрдим. Лекин у «...ўзаро шивир-шивирлари фақат шайтон томонидан бўлиб, иймон келтирган зотлар (у сабабли) гамгин бўлишлари учундир» (Мужодала 10) Аслида эса, токи бемор, тавҳидда мустаҳкам туриб, ҳатто машаққат чексада, намозларда қоим бўлар экан, унга ҳавф-хатар йўқдир. Энди, қимқи жони гаргарага келмасдан олдин тавба қилиб олар экан, Аллох унинг тавбасини албатта қабул қилгусидир, ҳатто, қатта гуноҳлар содир қилиб қўйган бўлса-да. Аҳлуссунна этиқолида, барча тавҳидда вафот қилган, яъни Аллохни яққа билиб қетган инсонларни қуфрда вафот этмаган деб умид қилинади. Ҳадисда келадикки: Пайгамбар дедилар: «Умматимдан қимқи, Аллохга ширк келтирмаган ҳолда вафот этса жаннатга қиради.» Абу Зарр разияллоху анху шунда сурадилар: «Зино қилган бўлса ҳамми, ўгрилик қилган бўлса ҳамми?» Пайгамбар: «Ҳа, зино қилган бўла ҳам, ўгрилик қилган бўлса ҳам» деб жавоб бердилар. Бошқа ҳадисда Росулulloх саллоллоху алайхи ва саллам : «Аллохдан фақат яхши гумонда бўлган ҳолингизда вафот қилингиз» деб марҳамат қилдилар. Ҳадиси қудсийда Аллох таоло дейди: «Мен бандамни гумонидаман, яъни бандам Мен ҳақимда қандай гумон қилса шундайдирман.» Мумин киши балолар қанчалик шидатли бўлмасин сабр қилиши лозим. Албатта қийинчиликдан сўнг, осонлик бордир ва дунё азоби охира азобидан енгилроқдир. Анас разияллоху анху ривоят қиладилар: «Пайгамбаримиз ўлим тўшагида ётган бир йигитни зиёрат қилдилар ва сўрадилар: «Ўзингни қандок ҳис этаяпсан?» Йигит: «Аллохнинг раҳматидан умидворман ва гуноҳларимдан кўрқаяпман, ё Расулulloх!» деди. Шунда Набий саллоллоху алайхи ва саллам : «Қайси банданинг қалбида мана шу ўринда, шу икки нарса жам бўлар экан, Аллох унга умид қилаётган нарсасини ато этиб, кўрқайётган нарсасидан хотиржам қилади» деб марҳамат қилдилар. Лекин сиз бу ҳадисни ҳужжат қилиб, амалларга сузқаш бўлиб қолманг. Ўлим тўсатдан қелиб қолиши мумкин. Умуман олганда, мумин Аллохнинг қазосига рози бўлиб, сабр қилиб яшар экан, агар ҳаёти давом этса ажру-савобларга эга бўлади, вафот этадиган бўлса, Аллохнинг раҳматига эришади. Пайгамбар марҳамат қилиб: «ўлим-

муминга тухфадир» деганлар. (Табароний ривояти, санади яхши). Энди юкорида саналган нарсалардан тўғри фикрга келган бўлсангиз, инсонга касаллик етиши туфайли ҳам рух, ҳам баданга етадиган улкан фойдалар ва манфаатларни сизга баён қилишга киришамиз. Лекин, тафсилотларга киришишдан олдин, муқаддима лозимдир.

Муқаддима

Аллох таоло нимаики яратган бўлмасин, у яратган нарсасида мусибатланган ёки мусибатдан саломат кишиларнинг ҳар бири учун неъмат бордир. Хатто кофирларнинг жаҳаннамда азобланиши ҳам неъматдир. Лекин бу бошқа бандалар ҳақи учун азобланаётган бўлсалар. Бир қавмга етадиган мусибат бошқа қавм учун кўп фойдалардир. Агар Аллох таоло азоб ва аламларни яратмаганда эди, неъмату-марҳаматларга эришганлар, у неъматларни кадрили билмаган ва кўпгина ато этилмиш яхшиликларни кадрига етишмаган бўлишар эди. Бу ўринда, Аллох кўпгина қарама-қаршиликларни яратдики, улар сабабли неъматлар кадрили англанади. Агар тун бўлмаганда кундузнинг кадрили билмас, агар касаллик бўлмаганда соғлиқ-саломатликни кадрили сезилмас, фақирлик бўлмаганда бойликнинг нафи кўринмас, дўзах бўлмаганда жаннат кадрили англанмас эди. Аҳли жаннатнинг сурури, дўзах аҳлининг аламлари ҳақида тафаккур қилишган чоғда зиёдалашиб кетади. Шунинг учун жаннат аҳлига дўзах аҳлининг азобланишларини кўрсатиб турилишини неъмат деб санаса ҳам бўлади. Лекин, банда, даф қилишга қодир бўлган балоларга сабр қилиб ўтиришга эмас, балки, ўша балоларни кетказиш учун ҳаракат қилишга буюрилган. Хадисда келадикки, «Кучи етмайдиган нарсани кўтариб олиб, ўзини хорлаш муминга хос эмасдир» Хал қилиш ва аритиш имкони бўлмаган аламга қилинган сабргина мактовга лойиқдир. Шунингдек, неъматларнинг баъзилари кишига бало ҳам бўлиши мумкин. Киши ҳаёти давомида неъматлар ва балоларга рўбаро қилинади. Қанчалар балою мусибатлар борки, у инсонга неъмат сифатида етади. Баъзида банда учун фақирлик ва касаллик неъмат бўлиши мумкин. Чунки у инсон агар соғлом бўлса ва мол-дунёси ортса, ношукрлик қилиши ва тугёнга кетиши мумкин. «Агар Аллох (барча) бандаларининг ризқларини кенг-мўл қилса, албатта улар Ер юзида зулм-тажовузкорлик қилган бўлар эдилар.» (Шуро 27) , Баъзи инсонлар борки, иймон ва хусну хулқни истисно қилганда, барча неъматлар улар учун балодир. Унинг акси эса, яъни мусибатлар уларга неъматдир. Айтайлик, маърифат ва камолот неъматдир. Гоҳида эса, унинг йўқлиги инсонга фойда бўлади. Масалан, бир кишики, унга қарши одамларнинг пинҳона галамислиги, ёмонлиги бор. Агар унга парда кўтарилиб, у булардан воқиф бўлса, унинг гаму-қайғуси ортиб кетади. Қанчалаб неъматлар бор, инсон уларга ҳарис бўлиб, интилиб ҳаракат қилади, аслида эса у нарса унинг ҳалокати бўлади. Ўзи аламлар ва касалликлар бўлсада, рухлар ва баданларга даво бўлган ва инсонга қомиллик ато этадиган нарсалар кўп бу оламда. Албатта яратувчиси ва вужудга келтирувчиси бўлган Зот бандасига касаллик беради ва албатта шифо ҳам ато қилур, балолантиради ва албатта офият насиб қилур, ўлдиради ва албатта қайта ҳаёт берур. Аллох таоло қанчалаб ато этмиш улкан лаззатларини турли хил қўнғилсизлик, мусибатлар ичра яшириб қўйганки, улар лаззатларга эришиш йулида кўприк бўлгусидир. Шунинг учун ҳам донолар айтишганки, «неъматга неъмат билан етилмайди, роҳатга роҳат билан ноил бўлинмайди». Аслида аламлар ва машаққатлар улкан неъматдир. Чунки улар фароғатлар сабабидир. Масалан, аёл агар хомиладор бўлиш, фарзанд туғишнинг аламига қарайдиган бўлса,

турмушга чикмайди, оила курмайди. Лекин аёл учун она бўлиш туйгусининг лаззати у аламлардан неча-неча марталаб улкандир. Кайтанга, аёл агар фарзанд кўрмаётган бўлса, она бўлиш илинжида табибларга катнашини кўймайди.

Фойдалар

Энди буларнинг барини тушуниб олган бўлсак, касалликларнинг фойдалари, хайрли томонлари хакида сўзимизни давом эттираемиз. Бу манфаатлар юздан ортик бўлиб, бу ўринда мухтасар баён килаемиз:

1. Касалликнинг фойдаларидан: нафсининг ислох бўлиши ва ёмонликдан покланишидир.

«(Эй инсонлар), сизларга не бир мусибат етса, бас, ўз кўлларингиз килган нарсанунох сабабли (етур). Яна У кўп (гунохларнинг жазосини бермасдан) афв килиб юборур». (Шуро 30) Бандага агар мусибат етса: «Каердан келиб колди ўзи бу? Ким бу дардни мени бошимга солди?» демасин. Мусибат гунох туфайлигина етур ва бунда хушхабар ва огохлантириш бордир. Тўзукрок уйлаб кўрсак, дунё мусибатлари гунохларимиз учун тортаётган укубатларимиз холос. Бир хадисларида Пайгамбаримиз: «Мумин кишига ахлида, молида, фарзандларида балою-офатлар устма-уст кела бошлайдики, шулар туфайли гунохлари кечирилганидан, Аллохга хеч қандай хатоси колмаган холда рубаро бўлади» дедилар. Агар бандада ўйламаган, эсидан чиқарган гунохлари бўлса, Аллох у сабабли гам-кайгу ёки касаллик билан балолайди. Бу яна шунга ишоратки, дунёнинг бир соат аччиклигини кўтариш алами охиратдаги абадий аламини кўтаришдан афзалрок. Салафларимиз айтишган экан: «Агар дунё мусибатлари бўлмаганда эди, киёматга хеч вақосиз (яъни хеч қандай савобларсиз) борган бўлар эдик».

2. Касаллик фойдаларидан: охиратда, кишига етган касалликдан кўра бир неча баробар лаззат ва сурурни келтириши. Чунки дунё аччиклиги охират халоватидир, акси эса аксидир. Шунинг учун ҳам Пайгамбаримиз: «Дунё мумин учун зиндон, кофир учун жаннатдир» деб мархамат килганлар. Яна мархамат килиб: «Ўлим муминга тухфадир» дедилар. (Ибн Аби Дунё ривояти, санади хасан). Агар бандага касаллик ёки мусибат етса ва у Аллохга ҳамд айтса, у умид килаётган савобни устига, унга жаннатда «хамд уйи» деб аталмиш бир уй бино килинади. Жобир розияллоху анху ривоят килиб айтадилар: Пайгамбаримиз дедилар: «Одамлар киёматда бало ахлига берилаётган савобни кўрганларида, дунёда терилари кайчилар билан киймаланган бўлишини орзу килиб коладилар» (Термизий ривояти)

3. Касаллик манфаатларидан: Аллохнинг беморга яқин бўлиши ва бу эса хос яқинликдир.

Хадиси кудсийда Аллох таоло дейди: «Эй Одам боласи! Фалончи бандам касал бўлди, кўргани бормадинг, агар борганинда уни хузурида Мени топган бўлардинг»

(Абу Хурайрадан Муслим ривояти)

4. Касаллик фойдаларидан: У билан банданинг сабри билинади. Айтганларидек: «Агар имтихонлар бўлмаганда эди, сабрнинг фазли зохир бўлмаган бўлар эди». Инсон агар сабрга эришса, у кўп яхшиликларга эришибди. Агар йўкотса, у холда барча яхшиликларни йўкотибди. Аллох таоло банданинг сабрини ва иймонини имтихон килади, шунда ёки тилла хосил бўлади ёки чиқинди. Анас разияллоху анху ривоят киладилар: Росулulloх саллоллоху

алайхи ва саллам дедилар: «Албатта мукофотнинг катталиги, балонинг катталиги биландир. Агар Аллох бир кавми яхши кўрса, уларни балолантириб кўяди. Кимки рози бўлса, унга ҳам розилик, кимки газаб килса, унга газаб насиб бўлгусидир». Агар Аллох бир бандасини яхши кўриб колса, унинг гамини зиёдалаштириб кўяди. Агар газаб килса, унинг дунёсини кенгайтириб кўяди, хусусан, банда динини зое килса. Банда мусибатларга иймон ва сабот ила сабр килса, у сабрлилар девонига ёзиб кўйилади. Агар ундан розилик хосил бўлса, уни рози бўлганлар девонига ёзиб кўйилади. Бандадан ҳамд ва шукр хосил бўлар экан, Аллох тақдир килган барча казолар унинг учун хайрли бўлиб колаверади. Сухайб разияллоху анху ривоят киладилар: «Пайгамбаримиз саллоллоху алайхи ва саллам дедилар: «Муминнинг барча ишлари хайрли эканига хайрон коламан. Агар унга хурсандлик етса шукр килади. Бу унинг учун хайрлидир. Агар мусибат етса сабр килади ва бу ҳам у учун хайрлидир. Бу факат мумингагина хос. Аллохнинг мусулмон учун белгилайдиган хар бир тақдири хайрлидир.» (Муслим ривояти) Бошка бир хадисда Росулulloх саллоллоху алайхи ва саллам : «Мумин хар бир иши учун ажрланади» дедилар (Ахмад ривояти). Мумин киши Аллохнинг тақдири ила етган барча мусибатларга кўниши, рози бўлиши керак. Аллохим! Бизни ато килсанг шукр киладиган, гунох килса Сенга истигфор айтадиган, агар мусибат етса сабр киладиган бандаларингдан килгин.

5. Касаллик фойдаларидан ва Аллохнинг бандасига туқис ато этмиш неъматларидан: Аллох бандасига зарар ва каттикликларининг нозил этиши сабабидан, Ўз даргохига илтижо килишга, панохига кочишга, тавхидига суянишга ва калбини динини холис килган холида Роббисига дуо килишга ундайди.

Балолар юбориб, дуога ундайдиган, неъматлар ато килиб, шукрга чакирадиган зот кандай ҳам Пок! Тобеинлардан Вахб ибни Мунаббих айтган эканлар: «Балолар, аслида дуоларни юзага чиқариш учун тушади» Аллох таоло шундай дейди: «Качонки Биз инсонга (неъмат-давлат) инъом килсак, у (Бизга шукр килишдан) юз ўғирар ва ўз томонига кетар (яъни, Бизни унутар). Качон унга ёмонлик (камбагаллик-кулфат) етиб колса эса у узундан-узок дуо-илтижо эгасидир». (Фуссилат 51) Мусибат етиши сабабидан бандада таваккул, тазарру, ихлос билан дуо килиш каби иймони ва ишончини зиёда киладиган ишлар хосил бўлади. Яна касалликнинг кетишидан ҳам кўра фойдаси улканрок бўлган, инобат-Аллохга кайтиш, иймон халовати ва уни тотиш лаззати каби холатлар ҳам, шу мусибат туфайли юзага келади. Аллохгагина динни холис килган холида ибодат киладиган тавхид ахли уларга етаётган мусибатларга сабр килишади, дарров сеҳргар ёки фолбинга югуриб колишмайди, ширк ахлига ўхшаб кабристонларга бориб олиб, азиз авлиёларнинг кабрларидан мадад сўрамайдилар. Балки касаллик ёки мухтожлик етса, ёлгиз Аллохдан ёрдам сўрайдилар, агар панох тилашса, ёлгиз Аллохдангина панох тилайдилар. Бу каби якка Аллохдангина мадад кутиш намунаси Айюб алайхиссаломнинг хаётларида яккол кўринади: «Айюбнинг Парвардигорига нидо килиб: «(Парвардигорим), мени бало ушлади. Ўзинг раҳм-шафкат килгувчиларнинг Рахмлирогидирсан», деб илтижо килган пайтини (эсланг)!» (Анбиё 83) Айюб пайгамбарнинг балою-мусибатларини ўйлаб кўринг, бор мол-мулклари, фарзандларидан ажралдилар, ўзлари огир дардга йўликдилар. Бу аламларнинг улканлигига карамай, у зот эртаю-кеч Аллохга ҳамд айтар, эртаю-кеч Аллохдан бу имтихонлар учун рози бўлар эдилар. Чунки, у киши барча ишлар Аллохнинг

кўлида эканини билар, дарду аламлари хакида ҳеч кимга шикоят қилмас эдилар. Нихоят Роббиларига сидк ила нидо қилдилар: «Эй Роббим мени бало ушлади, ўзинг раҳм қилувчиларнинг Раҳмлирогисан». Шунда Аллоҳ таоло балони кўтарди ва у зотни мактаб, шундай деди: «Дархакикат, Биз (Айюбни) сабр қилувчи холда топдик. У нақадар яхши бандадир. ! Хакикатан, у (Аллоҳ рози бўладиган йўлга) қайтгувчидир. (Сод 44)

Мутаржим Бобур Ахмад

6. Қасалликнинг фойдаларидан, банда томонидан тааббуд-қулчиликнинг турли кўринишларини зоҳир бўлишидир.

Аллоҳ таоло қалбларга убудиятнинг турли кўринишларини жо қилган. Қанчалар бало ва аламлар, бандаларнинг тўғри йўлга–истикоматга тушиб олишларига ва Аллоҳ сари юриб, залолатдан узок бўлишларига сабаб бўлган. Қанчалаб одамлар фақат соғлиқларини йўқотгачгина Аллоҳ томон юзланишган, динларига қизиқиб, намозларини бошлаганлар. Демак, бу қасалликлар, улар учун улкан бир неъмат бўлган. Шундай эмасми? Лекин **«Одамлар орасида Аллоҳга бир четда (яъни, сидқидилдан эмас, тил учида) ибодат қиладиган қимсалар ҳам бордир. Бас, агар унга (диндор бўлгани шарофатидан) яхшилик етса, уша сабабли хотиржам бўлур, агар бирон фитна-бахтсизлик етса, (диндан) юз ўгириб кетур. У дунё-ю охиратда зиён кўрур».** (Ҳаж 11) Бу шунга далолат қиладик, ибодат бандага хотиржамлик қунларида фарз бўлганидек машаққатли қунларида ҳам фарздир. У ёқтирмаган ҳолатда ҳам, унга ёққан ўринда ҳам фарз. Кўпгина инсонлар ибодатни фақат яхши қунларида, саломат пайтларидагина адо этишади. Қийинчиликка йўлиқсалар тарқ қиладилар. Мана бу ўринда бандаларнинг мартабалари тафовут қилади. Шунга қараб, уларнинг Аллоҳ наздидаги манзилатлари–ўринлари белгиланади. Агар жаннат ахлидан бўлса, унга келаётган қўнгилсизликларга қарамай, ҳидоят йўлида давом этиб бораверади ва дунёдан мусаффо, пок ҳолида чиқади. Ривоят қилишадики, Урва ибн Зубайр гангрена-суяк чириши қасалига йўлиқиб, табиблар оёғини қесишадиган бўлганда, айтган экан: «Аллоҳим мени етти ўғлим бор эди, биттасини олиб, олтитасини қолдирдинг. Тўрт мучам бут эди, биттасини олиб, учтасини қолдирасан. Сен нимаики мусибат берсанг, аниқки офият ҳам берасан, нимаики олсанг аниқки, албатта эваз берасан» Амалиёт тугагач эса, қесилган оёқни қулларига олиб қўрарканлар, дедилар: «Албатта Аллоҳ биладик, мен сен билан бирорта ҳам маъсият бўлган ўринга қормадим» дедилар, сўнгра мадиналик шоир Маън ибн Авснинг қўйидаги байтларини ўқидилар:

Шубҳали нарсаларга чўзмадим ҳеч қўлимни,
Оёқларим фахшдан тўсиб қўйди йўлимни.
Қулогу қўзларим ҳеч бузукликни ҳушламас,
Фикр ҳамда ҳаёлим ифлосликка бошламас.
Менга қелган мусибат фақат менга етибми?
Аввал ўтган салафлар ҳеч мусибат қўрмабми?

7. Қасаллик фойдаларидан яна бири, Аллоҳ таоло бандасини қибр, ўзига бино қўйиш, мактанчоқлик қаби ёмон сифатлардан қасаллик бериб, у иллатлардан қоклайди.

Агар банда ўзининг эски холатида давом эта берса, хаддан ошади, тугёнга кетади, каердан келиб, каерга кетаётганини ҳам унутиб кўяди. Лекин Аллох таоло унга касалликлар, дардлар ва офатлар каби мусибатларни хукмрон килиб кўяди. Банда хохламасада, касал килади, ёктирмасада, мажбурлаб очлик беради. Инсон ўзига на фойда ва на зарар, на ўлим ва на хаёт бера олади. Баъзида инсон бир нарсани билишни хохлайди, лекин, Аллох уни билдирмайди. Бир нарсани эслаб қолишга ҳаракат килади, лекин Аллох уни унуттиради. Баъзида бир нарсани истайди, лекин у унинг фожеаси бўлиши мумкин, бир нарсани ёмон кўради, у унинг хаёти бўлиши мумкин. Инсон кеча-кундуз бирор лаҳзасида ҳам хотиржам бўлмасинки, ҳар дақиқада Аллох унга ато қилган кўриш ва эшитиш неъматидан маҳрум қилиб қўйиши, ақлини кетказиб қўйиши, роҳатланиб, баҳраманд бўлиб турган дунёсини тортиб қўйишга қодирдир. Ожизгина инсонча ўзини ҳеч нарса билан химоя қила олмайди. Ўзини бир таниб олсинчи, ундан ҳам ҳақирроқ ким бор??? Шундай экан, нодонлиги сабабли Аллохга ва унинг яратган халқига мутақаббирлик қилишга ҳақлимикан? Баъзи инсонларга Аллох фазли ила бойлик ато этса, ўзини беҳожат сеза бошлайди. Бахиллиги ортиб, манмансираши зиёдалашиб кетади ва мутақаббирлик касбига айлана бошлайди. Шунда Аллох таоло унга касалликлар ва офатларни жўнатиб кўяди. Ким бўлишидан катъий назар бемор кишини қалби синик, кўнгли яримта бўлади. Бу кўнгли синиклиги унда дард ва касалликдан вужудга келади. Инсонда бу мусибат туфайли тазарру ва буйсуниш, хокисорлик юзага келади, Аллохга қурбати ортади. Бу касалликнинг катта фойдаларидандир. Аллох: «Мен хокисорлар билан биргаман» дейди. Бу ерда уч тоифанинг дуосини ижобат бўлишлик сири бордир. Бу тоифалар мазлум, мусофир ва рўзадордир. Буларнинг ҳар бирининг қалбида синиклик бордир. Мусофир гурбатга ўзига бир яқини йўқлигидан кўнгли синик, рўзадор очлик машаққатидан, мазлум зулмдан, касал одам дарддан кўнгли синикдир. Аллох бандасига яхшиликни ирода этса, унинг дардига даво бериб, уни ҳалокатли мусибатдан фориғ қилиб, офият, саломатлик ато қилади.

Бу касалликлар унга парҳез, сакланишдир. Балою-офатлар бериб марҳамат кўрсатган, неъмат бериб, балолаган Зот қандай ҳам улугдир. 8. Касаллик манфаатларидан бири, бандани енгилликка интизор бўлиши, роҳатга эришишни кўтишидир.

Нажотни кутиш ибодатларнинг афзалидандир. Бу банда қалбини ёлғиз Аллохга боғлайдиган ишдир. Бу мусибатлар ва дардлар аҳлига малҳам ва юпанчдир. Хусусан, бемор, инсонлар тарафидан шифо топиш умиди узилиб, нажоти қесилган чоғда, ёлғиз Аллохдан нажот илинжида бўлиб қолади ва: «Эй Роббим! Қасалимга Сендан ўзга шифо истайдиганим ҳеч ким қолмади!» деб нола қилади. Ана шунда Аллохнинг изни ила шифо ҳосил бўлади. У ҳожатлар сўраладиган энг улкан сабаблардандир. Зикр қилишадикки, бир бемор, табиблар унинг дардига шифо топиш иложсиз, дейишгани ҳақида хабар топади. Бемор рақсаратон касали билан оғриган эди. Аллох уни сахарларда дуога, илтижога илҳом қилди. Дуоларни сабаб қилиб, бироздан сўнг шифо нозил этди. Бу нажот билан каттик қийинчилик бир-бирига яқин, боғлиқ эканининг латиף сирларидандир. Банда одамлардан батамом умидини узиб, ёлғиз Аллохнинг ўзидан мадад, ёрдам қутади ва шунда Аллохдан ёрдам келади. Убудиятнинг бу кўриниши фақатгина шундай шиддатли аламдан сўнггина ҳосил бўлиши мумкин. «Ҳар қачон ўша пайгамбарларимиз ноумид бўлиб: «Бизлар ёлгончи қилиндик-пайгамбар

эканимизга ишонмадилар», деб ўйлай бошлаганларида, уларга Бизнинг мададимиз-галабамиз келиб, биз хоҳлаган кишиларга нажот берилар эди». (Юсуф 110)

9. Касаллик фойдаларидан: Агар банда хотиржамлик кунларида ибодат ва Аллох маърифати йўлида бўлар экан, Аллох таоло бандага, беморлик етган дамларида ҳам унга солих амалларни номаи аъмолига битиб, саклаб кўяди. Бу Аллохнинг карами ва фазилатидир.

Бу гунохларнинг каффорат килиб юборишдан-да юкори турувчи мархамат. Банда хушида бўлмаса ҳам, ёки акли кетиб колса ҳам, токи Аллохнинг хидоятида бўлар экан, унинг хаккига хасанотлар ёзилиши давом этаверади. Аллохни хотиржамлик, осойишталик кунларингизда зикр килишингиз, ёд килишингиз, Аллох ҳам сизни огир мусибатли кунларингизда зикр этишига сабабдир. Гарчи инсон огир касал бўлиб, хатто, акли-хуши кетиб колса ҳам, унга маъсият эмас, худди фаровонлик кунларида яхши амаллар килгани каби яхшиликлар битилгусидир. Абдулох ибни Умар розиялоху анху ривоят киладилар: «Росулуллох саллоллоху алайхи ва саллам дедилар: «Одамлардан кимки танасига бир касал етиб, мусибатланар экан, Аллох азза ва жалла унга кўрикчи бўлган малоикаларига шундай буюрар экан: «Бандам учун, худди у соглик кунларида хайрли амаллар килгани каби кеча-ю кундуз яхшиликларни ёзинглар». (Имом Ахмад ўз «Муснад»ларида келтирганлар)

10. Касаллик манфаатларидандир: Банда жаннатдаги манзиллардан амаллари билан ета олмайдиган даражага, Аллох унинг танасига дард бериб, мусибатлашлик билан, у манзилга етказади.

Ибни Хиббон ўз сахиҳларида Абу Хурайрадан ушбу хадисни ривоят киладилар: «Расулуллох саллоллоху алайхи ва саллам дедилар: «Киши учун Аллох хузурида манзилати, ўрни бўлади. Банда унга амаллари билан эриша олмайди. Хаёти давомида, Аллох уни у ёқтирмаган балою-мусибатлар ила балолантириб боради ва окибатда, уни жаннатдаги манзилига эриштиради, етказади». Салом ибн Мутиъ шундай дер эканлар: «Аллохим, Сен солих бандаларингни юксак даражаларингга уларга мусибатлар юбориш билан етказар экансан, мени ўша манзилга офиятинг ила етказгин».

11. Касаллик фойдаларидан: Банда, офият ва сихат-саломатлиги неъматининг кадри-кийматини билишидир.

Агар инсон офият ичра улгайса, балоланган инсон бошидан кечирадиган аламларни билмасдан хаёт кечиради ва ўзидаги соглик неъматини хис этмайди. Качонки банда мусибатга йўликса, аввалги саломатлик холатига кайтишни ва Аллох таоло офият, сихат-саломатлик ила неъматлашини орзу килади. Касаллик бўлмаса, согликнинг кадри билинмайди, тун бўлмаса кундузнинг кадри сезилмайди. Бу карама-каршиликлар бўлмаса кўплаб неъматлар, мархаматлар танилмасди. Хар кандай касал ҳам, агар атрофига караса, ўзиданда огиррок касалга мубтало бўлган касалларни кўриши мумкин. Бас, Аллохга хамд айтсин. Хар кандай манман деган бой ҳам, мундок ён-верига караса, ўзидан анча бойрок кишиларни топади. Хар кандай ўзини факир санайдиган инсон ҳам, ўзидан-да факиррок минглаб кишиларни кўриши мумкин. Албатта, касалликда кўплаб

манфаатлар ва фойдалар бордирки, инсон уларни билишдан гофилдир. **«Шоядки, сизлар ёмон кўрган нарса сизлар учун хайрлидир.»** (Бакара-216) Банда бало-мусибатга йўликкан инсонни кўрган чогида: «Сени балологан (синов берган) нарсадан мени соглом этган Аллохга хамд бўлсин» дейди. Аллох уни хамд айтгани туфайли балодан саломат саклайди. Мусибат етган инсон эса сабр килар экан, улкан ажру-савобга эришади.

Шуниси таажжубланарлики, банда агар дунёсига бокса, ўзидан юкоридагига карайди. Динига бокадиган бўлса-чи, у холда, ўзидан пастрокка карайди ва уни: «Биз динда бошкалардан кўра афзалрокмиз» деяётганини эшитасиз. Лекин ушбу сўзларини дунёси хусусида айтмайди. Кимки касалликлар аламини тортиб кўрар экан, сиххатни кийматини билади. Ривоят килишадики, Фузайл ибни Иёзнинг кичик ёшли кизлари бор эди. Кунлардан бири, кизнинг кафтига бир яра чикди. Фузайл ундан: «Кизим, кафтинг тузукми?» деб сўради. Шунда киз: «Рахмат, отажон яхшиман. Аллохга касамки, гарчи Аллох мени танамни оз кисмига дард берган бўлса-да, жисмимни кўп кисмига офият ато этгандир. Кафтимга касаллик берди, колган аъзоларимни эса сог колдирди. Бунинг учун Аллохга хамд бўлсин» деб жавоб берди. 12. Касаллик фойдаларидан: Касаллик, бандага Роббиси тарафидан ато этилган эхсон ва рахматдир.

Аллох бандани азоблашлик учун эмас, балки унга рахм килиш учун яратгандир. **«Агар шукр килсангизлар ва иймонли бўлсангизлар, Аллох сизларни нега азобласин?! Ахир Аллох (бандаларининг тоат-ибодатларига савоб ато этиш билан) Шукр килувчи ва Билгувчи бўлган Зот-ку?!»** (Нисо-147)

Лекин инсонларнинг кўпчилиги, Аллохнинг хикматидан жохилдирлар. Масалан, ота касал боласига мажбурлаб дори ичираётганда, боланинг инжиклик килиб йиглаётганини кўриб, онаси: «Ахир унга рахмингиз келса-чи?!» деб маломат килади. Гарчи бу ишни ота болани яхши кўрганидан, унга рахми келганидан килаётган бўлса хам. Олий мисоллар эса Аллохникидир. Банда етган мусибат учун Роббисини айбламасинда, балки ато этмиш эхсони учун У Зотга хамд айтсин. Шоир айтганидек:

Балким сенинг машаккатинг ортида хамдга лойик неъмат бордир,

Ахир баъзида баданлар касалликлар билан хам шифо топгуси-ку!

13. Касаллик фойдаларидан: У кўпгина бошка касалликлардан саломат бўлишга сабабдир.

Аламлар бўлмаса эди, офиятлар хосил бўлмас эди. Бу нарсалар касалликлардаги улкан бир ишдир. Булардан масалан иситма касаллиги. Ундаги бадан учун манфаатларни канчалик улканлигини Аллохнинг ўзигина билади. Иситма танадан организм учун кераксиз чикитларни хайдаши ва баъзи бир зарарли моддаларни чикариши билан бирга усиз ана шу касалликдан шифо хосил бўлмайди. Баъзи бир тажрибали шифокорларни айтишича, кўпгина касалликлар сабабидан юзага келадиган иситма, бемор учун офият, тузалиш башоратидир. Ўша холатда беморнинг иссиги чикиши ва хароратининг кўтарилиши унинг учун дори кабул килишдан фойдалирокдир. Иситма сабабли тузаладиган

касаликлардан офтальмия деб номланадиган кўз касаллиги, фалажлик ва юзни тортишиб, фалаж бўлиб қолиши кабилардир. Иситма касалликларга шифо бўлишидан ҳам кўра каттарок фойдаси, у гунохларни каффорат бўлиши учун энг афзал касалликдир. Муслим Жаброндан ривоят киладики, Пайгамбар саллоллоху алайхи ва саллам бир куни Умми Соибнинг хузурига кирдилар ва: «Сизга нима килди?» деб сўрадилар. У аёл: «Иситма, ундан кийналиб кетдим» деб жавоб бердилар. Пайгамбар саллоллоху алайхи ва саллам : «Иситмани ёмонламанг, у одам боласининг хатоларини худди, боскон темирнинг устидаги кирини кетказганидек кетказди» дедилар. Имом Ахмад саҳих санад билан Ибн Умардан ушбу ҳадисни ривоят киладилар: «Бир кунлик иситма бир йиллик гунохларга каффоратдир». Имом Ахмад ва Насоий Абу Саид разияллоху анхундан ривоят киладилар: «Бир куни бир киши Расулуллох саллоллоху алайхи ва салламдан сўради: «Ё Расулуллох биз учун касалликларда нима бор? Расулуллох: «Каффорат бор» дедилар. Шу суҳбатда иштирок этаётган Убай ибн Каъб сўрадилар: «Ё Расулуллох оз микдорда бўлса ҳамми?» Расулуллох саллоллоху алайхи ва саллам : «Бир тикан киришидан бошлаб ундан юкоригача» деб жавоб бердилар. Шунда Убай ўзига дуо қилиб, Аллохдан хаждан, умрадан, жиходдан, жамоат намозидан тўсмайдиган доимий иситмани сўради. Ровий айтадиларки, Убай ўзига шу дуони қилганидан кейин, унинг кўлини ушлаган киши уни хамиша иситма холида топарди. Бу ҳол то унинг вафотигача давом этди.

Муъмин ўзига офият тилашга маъмур, ўзига бало тиламайди. Лекин ўзига этаётган балоларга нисбатан Аллох таоло хозирлаб қўйган мукофотларни тасаввур қилса, боши узра турган балонинг кетмаслигини орзу қилади. 14. Касаллик фойдаларидан: Аллохнинг бандани огохликка чақириши, кўрқитишидир.

«Мана Биз уларни азоб-очарчилик билан ушладик. Улар эса на Парвардигорга буйин эгдилар ва на тавба-газарруъ қилдилар.» (Муъминун-76)

Бошқа оятда эса: **«Шояд (куфрдан иймонга) қайтсалар, деб биз уларни (турли) азоб билан ушладик.»** (Зухруф-48) Аллох бандага нимаики мусибат бермасин, уни Роббисига қайтсин учун, азобдан огохлансин ва кўрксин учунгина беради. Имом Абу Довуд Омир разияллоху анхундан ушбу ҳадисни ривоят киладилар: «Агар муъминга бир касаллик етиб, сўнгра ундан шифо топса, бу унга ўтган гунохларига каффорат, келажак хаёти учун эса, бир мавъиза, огохлантириш бўлади. Мунофик эса касаллик етиб, сўнгра шифо топса, бир туяга ўхшайдик, эгаси уни боглаб қўйди кейин эса ечиб юборди. У туя нима учун боглаб қўйишди-ю, нима учун ечиб юборишди, англамайди».

15. Касалик манфаатларидан: Касаллик етиши сабабли бандада шукр қилишлик юзага чиқади.

Биринчидан, агар банда саломатликдан сўнг дардга мубтало бўлса, бутун калби билан офиятга мушток бўлади. Иккинчидан, дуо деб аталмиш Аллохнинг тортиқларига мушарраф бўлади. Чунки тақдирни фақат дуога ўзгартириши мумкин. Муъмин Аллохга дуо қилишда давомий бўлиши ва жохил инсон каби: «Етар дуо қилганим, ахволимни кўриб турибди!!!» демасин. Аллох бандани дуо қилишга амр этган ва қайтанга, дуо-илтижо қилмас экан, Аллох ундан газаб

килади. Аллохнинг бандага баъзида офият бериб, баъзида эса касаллик бериши унга шу неъматни кадрилини англашиш учундир. Качонки Роббиси уни касаллик, факирлик ва хавф торлигидан хотиржамлик, офият ва бойлик кенглигига кўчирар экан, маърифати даражасига караб, банданинг сурури ва Роббисига бўлган мухаббати зиёда бўлур. Энди унинг ахволи офият ва бойлик ичра яшаб, бошкаларнинг холини сезмайдиган ёш бола каби бўлмайди.

16. Касаллик фойдаларидан: Банда ўзининг ожизлиги ва Аллохга мухтожлигини англашидир.

Еру-осмон ахли хаммаси доимо Аллохга мухтождирлар. Улар факирдирлар, Аллох эса бой-бехожатдир. Агар Аллох бандасига ушбу касалликларни бериб кўймаса, банда ўзини унутиб кўяди. Ким бўлишидан катъи назар, касал бўлар экан, Аллохга мухтожлигини хис этади. Балким сиз ушбу далилларни ўкиб кўриб: «Дунёда етадиган балолар неъматларданда фойдали экан, демак, Аллохдан бало сўраш лозим эканда?» дейишингиз мумкин. Биз сизга айтамызки, йўқ ундай эмас, Расулulloх саллоллоху алайхи ва салламни Тоиф ахли ўз шахарларидан тошбўрон килиб кувишганида, дуо килган эдилар: «Агар ушбу етган мусибат менга Сенинг газабингдан бўлмаса, мен бунга парво килмасман. Лекин офият ато килишинг мен учун ёкимлироқдир». Яна ривоят килишадикки, Аббос Расулulloх саллоллоху алайхи ва салламдан дуо ўргатишни сўраганларида, Пайгамбаримиз: «Аллохдан авф ва офият тилагин. Албатта У хеч кимга катъий имон-ишончдан кейин офиятдан кўра афзал неъмат ато этмади». Хасан айтган эканлар: «Ёмонликлардан холи яхшилик, бу-шукри бўлган офиятдир». Канчалаб неъмат ато этилмиш инсонлар борки, уларда шукр килиш йўқдир. Бу нарсалар далилларсиз хам очик-ойдиндир.

Аллохдан дунёда биз учун тамомий неъматлар ато этишини ва биздан балоларни кетказишини сўрашлигимиз даркор. Лекин, агар банда мусибатланиб колса, у холда сабр ва Аллохнинг казо-такдирига рози бўлиши лозим. Рисоламни шу билан тугатаманки; касаллик жазо, укубат эмас балки неъматдир. Касалликда бир неча хил лаззатлар бор. Улардан:

1. Касал киши бурканиб турадиган гамхўрлик ва якин кишилари ва кариндошлари тарафидан кймилиб турадигани яхши кўриш, мухаббат лаззати.
2. Касал киши Аллохга мухлис бўлиб, музтар холатда туриб, илтижо килаётган соатида топадиган улкан лаззат.
3. Тўшакка михланиб, касал бўлиб ётган кийинчилик лахзалари ўтиб, офият дамлари келганда, касаллик интихосига етганда, дуолар, илтижолар ва нолалар ижобат этилганда Аллохдан миннатдорлик, розилик, хурсандлик лаззати. Касални ёки бечорахол одамни зохирига караб хукм килмаслик керак. Балким хароб девор ортида ажойиб каср ёки бахайбат эшик ортида хароба кулба бўлиши мумкин.
4. Мукамал тенглик лаззати. У хаёт конунидир. Касаллик бой билан факир ўртасини ажратмайди. Агар касаллик факат факирлик ёки мухтожлик сабабли яхши тўйиб овкатланмасликдан бўлганда эди, касаллигу-дардлар факат факирлар олдида тўхтаган бўлар ва бадавлатлар эса бундан халос бўлишган

бўлар эди. Лекин касаллик, хакир билан обрўлини фаркламайди. Унинг учун барча инсонлар тенгдирлар.

Ушбу рисола ни ниятига етказар эканмиз, Аллохга хамду сано айтамыз. У Зотдан улкан лутфу карамини, дунё ва охирада гўзал сатр ила бизни айбу нуксонларимизни беркитишини сўраймиз. Яна Аллохдан неъматларини завола топиб, тугаб колишидан, офиятини кетиб колишидан, тўсатдан келиб қоладиган иқобидан ва жамики газабларидан панох тилаймиз.

Пайгамбаримиз Мухаммад ва ул зотнинг оила аъзоларига саловот ва саломлар бўлсин.

Ассалому алайкум ва рохматулох ва барокатух.

Мутаржим Бобур Ахмад